

四庫全書

史部

欽定四庫全書

明會典卷一百五十三

工部七

皇妃儀仗

紅杖一對硃漆攢竹為杖銅裹兩末長四尺九寸

清道旗一對純青質硃漆攢竹竿通長一丈二尺五寸

內貼金木鎗頭長一尺七寸銅束

絳引旛一對硃漆竿帶貼金銅鳳頭共長一丈二尺五

寸內鳳頭并鐵鈎一尺旂用五色平羅長六尺三寸闊  
五寸五分四角寶蓋高七寸五分圍二尺七寸五分綠  
腰青二簷寶蓋四角鳳頭垂抹金銅珮一十六箇銅鈴  
三十六箇簷用銷金雲花文其蓋上有抹金銅頂釵花  
文旂下綴五色板凡挑竿銅鳳頭以鐵為鈎

戈斃一對硃漆竿通長一丈二尺五寸帶貼金木戈頭  
長一尺六寸二分粉板綴五色羅斃長六尺三寸闊五  
寸五分旂末綴抹金銅鈴五箇板畫飛鳥

戟斃一對與戈斃制同通長一丈二尺五寸內貼金戟  
龍頭長一尺七寸五分

儀鎗斃一對硃漆攢竹竿帶貼金儀鎗頭通長一丈二  
尺五寸五分內貼金儀鎗頭一尺三寸五分繫抹金銅  
頂一箇垂五色平羅斃長六尺三寸闊五寸五分斃下  
銅鈴五箇

梧杖一對硃漆攢竹杖貼金兩末通長六尺九寸五分  
儀刀一對刻木為刀鞘及靶貼金鳳文為飾垂紅帔鍔

其鳳文貼銀為地

班劍一對刻木為劍其上有靶靶下有龍頭銜劍貼金為飾劍貼以銀垂紅帔鍔

立瓜一對硃漆攢竹柄貼金瓜立置其首承以龍頭通長六尺九寸內龍頭及瓜長一尺四寸

卧瓜一對與立瓜製同但瓜卧置其首通長六尺九寸貼金瓜并龍頭長一尺二寸五分

鐙杖一對硃漆攢竹杖貼金木鐙置其首承以貼金龍

頭通長六尺九寸內鐙并龍頭長一尺六寸

骨朶一對硃漆攢竹柄貼金木骨朶置其首承以貼金  
龍頭通長六尺九寸內骨朶并龍頭長一尺六寸

金鉞一對硃漆攢竹柄貼金木斧形置其上承以貼金  
龍頭通長六尺九寸內金鉞并龍頭長一尺六寸五分  
響節二對貼金柄長一丈二寸五分以鐵條貫銅錢十  
二置其首長一尺二寸五分紅羅衣籠之銷金鳳文長  
一尺五寸節頂木質貼金飾其銅錢文天下太平下有

盤攀頂線四條

青方傘二把傘骨面闊并頂五尺五寸傘柄并貼金木  
葫蘆共長一丈一尺五寸九分其面冒以青羅垂青三  
簷傘頂四角加抹金銅鳳頭凡傘柄俱用竹加紅油間  
纏以藤

紅繡圓傘一把傘骨面闊并頂四尺二寸五分傘柄并  
貼金木葫蘆共長一丈一尺二寸九分其面冒以紅羅  
繡雲文垂紅三簷繡雲鳳文

紅繡方扇四把扇及柄通高一丈一尺二寸面用紅羅繡鸞鳳花文背用紅羅銷金團花風衣皆紅素羅扇見圓高三尺三寸五分凡扇柄俱用攢竹加黑漆

紅花圓扇四把連扇及柄通高一丈一尺二寸內扇見圓三尺三寸五分面用紅羅繡四季花背紅羅銷金團鳳風衣俱紅素羅

青繡圓扇四把連扇及柄通高一丈一尺二寸內扇見圓三尺三寸五分面用青羅繡升降孔雀雲文背用青



羅銷金團鳳風衣俱青素羅

間抹金銀交椅一把木質銀葉裏間抹金飾中釵雲鳳  
文四垂紅絲帔鍔紅織金紵絲裕襠

間抹金銀脚踏一箇木質銀葉裏間抹金飾中釵方勝  
花文紅織金紵絲踏褥

拂子二把以素氍牛尾為拂黑漆為拂柄垂紅絲帔鍔  
今拂用馬尾心用紅纓

間抹金銀水盆一箇銀盆間抹金飾中釵雲鳳文邊釵

香草文手巾一條

間抹金銀水罐一箇銀質間抹金飾有蓋有提小口巨腹釵花文

間抹金銀香爐一箇銀質間抹金兩耳三足有蓋釵鳳文以硃漆竿舉之抹金銅鳳頭并尾

間抹金銀香合一箇銀合間抹金飾蓋釵鳳文邊釵香草文

間抹金銀唾盂一箇銀為盂間抹金飾形圓如缶蓋僅

掩口下有盤釵鳳文洪武年間停造

間抹金銀唾壺一箇銀為壺間抹金飾小口巨腹有蓋  
釵鳳文洪武年間停造

紅紗燈籠二對硃油竹骨有燭盤外以紅紗蒙之玉色  
紗為蓋硃漆竿貼金鳳頭尾

鳳轎一乘青頂上抹金銅珠頂四角抹金銅飛鳳四各  
垂銀香圓寶蓋并綵結轎身硃紅漆木匡三面簾織紋  
簾繪以翟文抹金銅釵花葉片裝釘硃紅漆木轎扛抹

金銅鳳頭鳳尾裝飾青銷金羅緣邊硃紅簾并看帶內  
紅交牀并坐踏褥

紅銷金羅轎衣一件頂銷金寶珠文瀝水香草文看帶  
并幃皆鳳文

紅油絹雨轎衣一件

行障二葉紅素綾為之繪雲鳳文瀝水香草文坐障一  
葉紅素綾為之繪雲鳳文

東宮妃儀仗

紅杖一對硃漆攢竹杖銅裹兩末長四尺九寸

清道旗一對青質青火焰脚硃漆攢竹竿通長一丈二尺五寸內貼金木鎗頭一尺七寸

絳引旛一對硃漆攢竹竿貼金銅鳳頭共長一丈二尺五寸內鳳頭長一尺旛用五色平羅長六尺三寸闊五寸五分旛下有五色板四角寶蓋高七寸五分圍二尺七寸五分綠腰綠三簷抹金鳳頭四箇垂抹金銅珮一十六箇銅鈴三十六箇凡挑竿銅鳳頭以鐵為鈎蓋上

抹金銅頂釵花文

儀鎗氅一對硃漆竿帶貼金儀鎗頭通長一丈二尺五寸五分內貼金儀鎗頭一尺三寸五分抹金銅頂一箇  
氅用五色平羅長六尺三寸闊五寸五分氅下綴銅鈴五箇

戈氅一對硃漆攢竹竿帶貼金頭通長一丈二尺五寸內貼金頭一尺六寸二分氅用五色平羅長六尺三寸闊五寸五分氅下銅鈴五箇

戟斃一對與戈斃制同惟貼金頭長一尺七寸五分  
梧杖一對硃漆攢竹杖兩末貼金通長六尺九寸五分  
儀刀一對刻木為刀鞘及靶貼金鳳文為飾垂紅帔鍔  
其鳳文貼銀為地

班劍一對刻木為劍其上有靶靶下有龍頭銜劍皆貼  
金為飾垂紅帔鍔

立瓜一對硃漆攢竹柄貼金木瓜立置其首承以貼金  
龍頭通長六尺九寸內瓜及竿頭長一尺四寸

卧瓜一對與立瓜制同但瓜卧置其首瓜及竿頭長一尺二寸五分

鐙杖一對硃漆攢竹杖以貼金木鐙置其首承以貼金龍頭通長六尺九寸內貼金頭長一尺六寸

骨朶一對硃漆攢竹柄以貼金木骨朶置其首承以貼金龍頭通長六尺九寸骨朶頭長一尺六寸五分

金鉞一對硃漆攢竹柄貼金木竿頭中為斧形承以貼金龍頭通長六尺九寸內竿頭長一尺六寸五分



響節二對貼金攢竹竿長一丈二寸五分竿首以鐵條貫銅鐵錢十二長一尺二寸五分紅銷金衣籠之長一尺五寸衣用雲鳳文節頂以木為之貼金飾下有盤攀頂線四銅錢文天下太平

青方傘二把傘骨面闊并頂五尺五寸柄并貼金葫蘆共長一丈一尺五寸九分其面冒以青羅垂青三簷傘頂四角加抹金銅鳳頭四箇凡傘柄俱用竹加紅油間纏以藤

紅素圓傘二把傘骨面闊并頂四尺二寸五分柄并貼金葫蘆共長一丈一尺二寸九分其面冒以紅羅垂紅三簷

紅繡圓傘一把傘骨面闊并頂四尺二寸五分柄并貼金葫蘆共長一丈一尺二寸九分其面冒以紅羅繡雲文垂紅三簷繡鸞鳳雲文

紅繡方扇四把扇及柄通高一丈一尺二寸面用紅羅繡升降鸞鳳文背紅羅銷金團花文風衣俱用紅素羅

凡扇柄皆用攢竹加黑漆

紅繡花圓扇四把扇及柄通高一丈一尺二寸內扇見  
圓三尺三寸五分面用紅羅繡四季花背紅羅銷金團  
鳳文風衣俱用紅素羅

青繡圓扇四把扇及柄通高一丈一尺二寸內扇見圓  
三尺三寸五分面用青羅繡升降孔雀文背青羅銷金  
團鳳文風衣俱用青素羅

抹金銀交椅一把木質銀葉裏純抹金椅中鈹雲鳳文

穿以紅絲條四垂紅絲帔鍔紅織金紵絲襜褕

抹金銀脚踏一箇木質銀葉裏純抹金方勝花文紅織金紵絲踏襪

拂子二把以紅纓為心素毳牛尾籠之黑漆柄垂紅絲帔鍔今拂用馬尾心用紅纓

抹金銀水盆一箇銀盆純抹金中鈿雲鳳文邊鈿香草文手巾一條

抹金銀水罐一箇銀罐純抹金有蓋有提小口巨腹

抹金銀香爐一箇銀爐純抹金兩耳三足釵雲鳳文以  
硃漆竿舉之加抹金銅鳳頭尾

抹金銀香盒一箇銀盒純抹金蓋釵鳳文邊釵香草文  
紅紗燈籠二對紅油竹骨外以紅紗蒙之青紗為蓋下  
有燭盤硃漆竿加貼金鳳頭并尾

鳳轎一乘青頂上抹金銅珠頂四角抹金銅飛鳳四各  
垂銀香圓寶蓋并綵結轎身硃紅漆木匡三面淺織紋  
簾繪以翟文抹金銅釵花葉片裝釘硃紅漆木轎扛抹

金銅鳳頭鳳尾裝飾青銷金羅緣邊硃紅簾并看帶內  
紅交牀并坐踏褥

紅羅銷金轎衣一件紅羅為之頂用銷金寶珠文瀝水  
香草文看帶并幃皆鳳文

紅油絹雨轎衣一件

小轎一乘頂并四柱坐椅兩扛皆硃紅漆上施抹金銅  
珠頂四角抹金雲朵扛兩頭抹金鳳頭尾幔頂用礬紅  
紵絲

紅素轎衣二件紵絲一羅一

紅油絹雨轎衣一件

行障二葉以紅素綾為之繪雲鳳文瀝水香草文

坐障一葉紅素綾為之繪雲鳳文

親王妃儀仗 公主世子妃俱同

紅杖一對硃漆攢竹杖銅裹兩末長四尺九寸

清道旗一對青質青火焰脚硃漆攢竹竿上貼金木鎗

頭下有銅束通長一丈二尺五寸內鎗頭長一尺七寸

柄或以木為之

絳引旛一對每把硃漆攢竹竿帶貼金銅鳳頭通長一丈二尺五寸內鳳頭一尺其旛用五色平羅長六尺三寸闊五寸五分四角鳳頭紅蓋綠腰高七寸五分圍五尺七寸五分綠二簷共長一尺九寸紅綠帔鍔下綴五色板其上有抹金銅頂釵花文凡挑竿銅鳳頭以鐵為鈎自此至鎧杖凡竿柄或以木為之帔鍔以羅為之戟斨一對每把硃漆攢竹竿通長一丈二尺五寸內貼



金木戟頭一尺七寸五分毫用五色平羅長六尺三寸闊五寸五分毫下綴銅鈴五箇上硃漆木板

梧杖一對各長六尺九寸五分硃漆攢竹為杖兩末貼金

儀刀一對漆貼銀地金鳳文并貼金靶通長六尺三寸內刀靶一尺六寸五分紅絲帔鍔

班劍一對刻木為劍并靶靶下有龍頭皆貼金惟劍身貼銀為飾紅絲帔鍔

立瓜一對硃漆攢竹柄通長六尺九寸內貼金木質瓜  
頭及龍頭一尺四寸

卧瓜一對硃漆攢竹柄通長六尺九寸內貼金木質瓜  
頭及龍頭一尺二寸五分

骨朶一對硃漆攢竹柄通長六尺九寸內貼金木質骨  
朶及龍頭一尺六寸

鐙杖一對硃漆攢竹柄通長六尺九寸內貼金木鐙及  
龍頭一尺六寸

響節二對貼銀攢竹竿通長一丈二寸五分內鐵條長一尺二寸五分貫銅鐵錢十二衣用紅平羅銷金鳳文長一尺五寸闊八寸節頂木質貼金飾銅錢文天下太平攀頂線四

青方傘二把每把傘骨面闊并頂徑四尺傘柄并貼金木葫蘆共長一丈九寸面用青平羅青三簷四角抹金銅鳳頭四箇凡傘柄俱用紅油竹間纏以藤

紅綵畫雲鳳傘一把傘骨面闊并頂徑四尺一寸五分

傘柄并貼金木葫蘆共長一丈九寸面用紅平羅紅三簷綵畫雲鳳文

青孔雀圓扇四把每把連扇及柄通高一丈七寸五分內扇見圓三尺三寸五分面用青平羅綵畫升降孔雀雲文背銷金寶珠團文攢竹柄黑漆

紅花扇四把每把連扇及柄通高一丈七寸五分內扇見圓三尺三寸五分面用紅平羅綵畫四季花背銷金寶珠團文攢竹柄黑漆

交椅一把木質銀葉裏銀釘鉸中釵雲鳳文間抹金垂紅帔鍔鑿紅織金紵絲裕襠

脚踏一箇木質銀葉裏中釵方勝文間抹金鑿紅織金紵絲踏褥

水盆一箇銀質寬緣平底釵雲鳳文香草邊間抹金手巾一條

水罐一箇銀質有蓋有提釵花為飾間抹金

紅紗燈籠二對紅油竹骨下有燭盤蒙以紅紗玉色紗

蓋硃漆竿兩末貼金鳳頭尾

拂子二把黑漆木柄用銅環圈并銅釘鉸繫素毳牛尾  
垂紅絲帔鍔今拂用馬尾心用紅纓

鳳輦一乘青頂上抹金銅珠頂四角抹金銅鳳四各垂  
綵結轎身硃紅漆木匡三面篾織紋簾繪以翟文抹金  
銅鈿花葉片裝釘硃紅漆木轎扛抹金銅鳳頭尾裝飾  
青銷金羅緣邊硃紅簾并看帶內紅交牀并坐踏褥

木紅平羅轎衣一件頂銷金寶珠瀝水銷金香草文看

帶并帷俱銷金鳳文

木紅油絹雨轎衣一件

小轎一乘轎頂并四柱坐椅兩扛皆硃紅漆上施抹金  
銅寶珠頂四角抹金銅雲朵扛首尾抹金鳳頭尾幔頂  
用礬紅紵絲

礬紅素紵絲轎衣一件

木紅平羅轎衣一件

木紅油絹雨轎衣一件

行障二葉紅素綾為之繪雲鳳文瀝水繪香草文  
坐障一葉紅素綾為之繪雲鳳文

郡王妃儀仗

紅杖一對硃漆攢竹杖銅裹兩末長四尺九寸

清道旗一對青質青火焰脚硃漆竹竿上貼金木鎗頭  
通長一丈二尺五寸內鎗頭一尺七寸柄或以木為之  
絳引旛一對每把硃漆攢竹竿帶貼金銅翟頭通長一  
丈二尺五寸內翟頭一尺旛用五色平羅長六尺三寸



闊五寸五分四角翟頭紅蓋高七寸五分圍二尺七寸五分綠腰銷金香草文綠二簷共長一尺九寸銷金雲文四垂紅綠帔鍔下綴五色板其上有銅頂鈹花文自此至骨朶凡竿柄或以木為之

戟斃一對每把硃漆攢竹竿通長一丈二尺五寸內貼金木戟一尺七寸五分斃用五色平羅長六尺三寸闊五寸五分斃下銅鈴五箇上硃漆木板

梧杖一對長六尺九寸五分硃漆攢竹為杖兩末貼金

班劍一對刻木為劍并靶靶下有龍頭皆貼金惟劍貼銀為飾紅帔鍔

立瓜一對硃漆攢竹柄通長六尺九寸內貼金木質瓜頭及龍頭一尺四寸

骨朶一對硃漆攢竹柄通長六尺九寸內貼金木質骨朶及龍頭一尺六寸

響節一對貼銀攢竹竿通長一丈二寸五分內鐵條長一尺二寸五分貫銅鐵錢十二衣用紅平羅銷金翟文

長一尺五寸上加貼金木圓頂其銅錢文天下太平攀  
頂線四

青方傘二把每把傘骨面闊并頂徑四尺傘柄并貼金  
木葫蘆共長一丈九寸面用青平羅青三簷四角抹金  
銅翟頭四箇凡傘柄俱用紅油竹間纏以藤

紅圓傘一把傘骨面闊并頂徑四尺一寸五分傘柄并  
貼金木葫蘆共長一丈九寸面用紅平羅畫雲文紅三  
簷畫雲翟文

青圓扇二把每把連扇及柄通高一丈七寸五分內扇見圓三尺三寸五分面用青平羅綵畫升降孔雀雲文背銷金寶珠團文竹柄黑漆攢竹為之

紅圓扇二把每把連扇及柄通高一丈七寸五分內扇見圓三尺三寸五分面用紅平羅綵畫四季花背銷金寶珠團文竹柄黑漆攢竹為之

交椅一把木質銀葉裏銀釘鉸中鉸花雲翟文垂紅帔鍔四間抹金礬紅織金紵絲裕襠

脚踏一箇木質銀葉裏中釵方勝文間抹金礬紅織金  
紵絲踏褥

拂子二把每把黑漆木柄用銅環銅釘鉸繫素毳牛尾  
垂紅帔鍔今拂用馬尾

紅紗燈籠一對紅油竹骨下有燭盤蒙以紅紗玉色紗  
蓋硃漆竿兩末貼金翟頭尾

水盆一箇銀質寬緣平底釵雲翟文間抹金手巾一條  
水罐一箇銀質有蓋有提釵花為飾間抹金

翟轎一乘青頂上抹金銅珠頂四角抹金銅翟四各垂綵結轎身硃紅漆木匡三面篾織紋簾繪以翟文抹金銅釵花葉片裝釘硃紅漆木轎扛抹金銅翟頭尾裝飾青銷金羅緣邊硃紅簾并看帶內紅交牀并坐踏褥木紅平羅銷金轎衣一件頂銷金火焰寶珠瀝水銷金香草文看帶并帷銷金翟文

木紅油絹雨轎衣一件

行障二葉紅素綾為之彩畫雲翟文瀝水彩畫香草文

坐障一葉紅素綾為之彩畫雲翟文

郡主儀仗

紅杖一對硃漆攢竹杖銅裹兩末長四尺九寸

清道旗一對青質青火焰脚硃漆攢竹竿上加貼金木  
鎗頭通長一丈二尺五寸竿或以木為之

班劍一對刻木為劍并靶靶下有龍頭皆貼金惟劍貼  
銀為飾紅帔鍔

梧杖一對硃漆攢竹杖兩末貼金通長六尺九寸五分

自此至骨朶凡竿柄或以木為之

立爪一對硃漆攢竹柄通長六尺九寸內貼金木質爪頭及龍頭一尺四寸

骨朶一對硃漆攢竹柄通長六尺九寸內貼金木骨朶及龍頭一尺六寸

響節一對貼銀攢竹竿通長一丈二寸五分內鐵條長一尺二寸五分貫銅鐵錢十二衣用紅平羅銷金翟文長一尺五寸上加貼金木圓頂其銅錢文天下太平攀



頂線四

青方傘一把傘骨面闊并頂徑四尺傘柄并貼金木葫蘆共長一丈九寸面用青平羅青三簷四角抹金銅翟頭四箇凡傘柄俱用紅油竹間纏以藤

紅圓傘一把傘骨面闊并頂徑四尺一寸五分傘柄并貼金木葫蘆共長一丈九寸面用紅平羅畫雲文紅三簷畫雲翟文

青圓扇二把每把扇及黑漆攢竹柄通高一丈七寸五

分內扇見圓三尺三寸五分面背風衣用青平羅面畫  
升降孔雀雲文背銷金寶珠團文

紅圓扇二把每把扇及黑漆攢竹柄通高一丈七寸五  
分內扇見圓三尺三寸五分面背風衣用紅平羅面畫  
四季花背銷金寶珠團文

交椅一把木質銀葉裏銀釘鉸穿以紅匾條四垂紅帔  
鍔間抹金桃紅絹裕襠

脚踏一箇木質銀葉裏銀釘裝釘鉸方勝文間抹金桃

紅絹踏褥

水盆一箇銀質寬緣平底鈹翟文邊鈹香草文間抹金  
水罐一箇銀質有蓋有提間抹金

紅紗燈籠一對紅油竹骨蒙以紅紗玉色紗蓋下有燭  
盤硃漆竿貼金翟頭并尾

拂子二把黑漆木柄用銅環銅釘鉸繫素氈牛尾末垂  
紅帔鍔今拂用馬尾

翟輦一乘青頂上抹金銅珠頂四角抹金銅飛翟四各

垂綵結轎身硃紅漆木匡三面篾織紋簾繪以翟文抹  
金銅釵花葉片裝釘硃漆木轎扛抹金銅翟頭尾裝飾  
青銷金羅緣邊硃紅簾并看帶內紅交牀并坐踏褥

紅羅銷金轎衣一件頂銷金寶珠瀝水銷金香草文看  
帶并帷銷金翟文

紅油絹雨轎衣一件

行障二葉紅素綾為之繪雲翟文瀝水繪香草文  
坐障一葉紅素綾為之繪雲翟文

明會典卷一百五十三

# 欽定四庫全書

史部

明會典卷一百五十四

至九

詳校官編修臣裴謙

編修臣程嘉謨覆勘

總校官知縣臣繆琪

校對官中書臣方大川

謄錄監生臣汪承泰

欽定四庫全書

明會典卷一百五十四

工部八

城垣

諸司職掌

凡皇城京城牆垣遇有損壞即便丈量明白見數計料所用磚灰行下聚寶山黑窩寺處關支其合用人工咨呈都府行移留守五衛差撥軍士修理若在外藩鎮府

州城隍但有損壞係干緊要去處者隨即度量彼處軍民工料多少入奏修理如係腹裏去處於農隙之時興工

事例

天順六年令後軍都督府并守門官軍巡視京城九門城垣如有損壞低窪該門官軍隨即填補修理 成化十年令都城外四圍沿河居住軍民人等越入牆垣偷魚割草竊取磚石等項輕則量情懲治重則叅奏拏問



枷號示衆若該城徇情縱容不理及四隣知而不首者  
皆治以罪其守門官軍亦不許於城外河邊栽種牧放  
因而引惹外人入內作踐違者一體治罪 弘治六年  
奏准皇城各門紅鋪著令巡視城垣委官時常點視比  
較應修理者隨即具呈修理其直宿官軍不行用心看  
守致有損失應叅究者徑自叅究

壇場

諸司職掌

凡天地壇場若有損壞去處合修理者督工計料修整合漆飾者行下營繕所差工漆飾所用木石磚灰顏料等項行下抽分竹木局等衙門照數關支

事例

弘治十三年奏准天地山川壇內縱放牲畜作踐及私種籍田外餘地并奪取籍田禾把者俱問罪牲畜入官犯人枷號一月發落

廟宇

諸司職掌

凡歷代聖帝明王忠臣烈士及名山嶽鎮應合祭祀神祇廟宇務要時常整理如遇新創奉旨起造功臣享堂須要委官督工計料依制建造

事例

正統八年勅凡嶽鎮海瀆祀廟屋宇牆垣或有損壞及府州縣社稷山川文廟城隍一應祀典神祇壇廟頽廢者即令各該官司修理合用物料酌量所在官錢內支

給收買或分派所屬殷實人戶備辦於秋成時月起倩  
夫匠修理不許指此多派虛費民財及修蓋淫祠妄用  
民力若嶽鎮海瀆廟宇焚毀不存用工多者布按二司  
同該府官斟酌民力量宜起蓋仍先畫圖奏來定奪凡  
修完應祀壇廟皆選誠實之人看守所司時加提督遇  
有損壞即依例修整不許廢壞仍令巡按御史按察司  
官按臨巡視 成化十五年令天下祀典神祇祠廟應  
修理者務要申達合于上司勘實斟酌定奪

公廨

諸司職掌

凡在京文武衙門公廨如遇起蓋及修理者所用竹木磚瓦灰石人匠等項或官為出辦或移咨刑部都察院差撥囚徒著令自辦物料人工修造果有係干動眾奏聞施行

事例

永樂二年奏准今後大小衙門小有損壞許令隸兵人

等隨即修葺果房屋倒塌用工浩大務要委官相料計用夫工物料數目官吏人等保勘申部定奪修理弘治元年奏准今後各衙門但有門窓等項損壞原物見在者官為出料修理原物不在者就令經該官吏及看守之人出料自賠修理

倉庫

諸司職掌

凡在京各衙門倉庫如有損壞應合修理者即便移文

取索人匠物料修整如本處倉庫不敷應合添蓋者須要相擇地基計料如式營造所用木竹磚石灰瓦丁線等項行下抽分竹木局等衙門關支如是工匠物料不敷預為措辦足備以候應用

事例

洪武十四年計在京一歲官俸軍糧之數令各建倉儲蓄以便支給 永樂九年奏准倉廩損壞者該衛修理缺少者工部蓋造 正統二年修蓋倉廩初差工部堂

上官提督後復添設員外郎一員職專修倉仍以堂上官提督後又差內臣及戶部管倉堂上官提督

營房

諸司職掌

凡在京各衛軍人營房及駝馬象房如有起蓋修理所用物料官為支給若合用人工隸各衛者各衛自行定奪差軍隸有司者定奪差撥囚徒或用人夫修造果有係干動衆奏聞施行



土牆營房每間合用

桁條五根

椽木五十根

蘆柴一束半

釘二十五枚

瓦一千五百片

石灰五斤

獄具

諸司職掌

凡在京各衙門合用刑具皆須較勘如法應合應付者  
方許應付

應天府採辦

筈

杖

机

龍江提舉司成造

枹

杻

寶源局打造

鐵索

鐵鐐

事例

刑部每年該用長枹五百二十面手肘七百八十副撈指一千三百把每把用綿繩一條方枹二百六十面竹

板三千片每猫竹一根長一丈九尺圍圓九寸破竹十  
三片長四尺五寸闊一寸五分鐵索六百五十條鎖頭  
六百五十箇鐵鐐七百八十副鐵釘三千箇

都察院每年該用長枷一百二十面手肘四百二十副  
拶指八百把每把用綿繩一條方枷二百六十面竹板  
三千片照前尺寸鐵索九十條鎖頭九十箇鐵鐐四百  
副鐵釘二千箇

大理寺每年該用拶指四百四十把每把用綿繩一條

竹板七百八十片照前尺寸

成化二十一年奏准刑部都察院問擬徒罪以下俱送工部其笞杖罪囚免其運灰量為收銀置辦獄具其修倉囚犯亦令每日出銀一分按月送部成造枷鐐等具以備法司取用有可修理者仍送部修理應用

工匠

國初造作以囚人罰充工役工滿本部咨送刑部都察院引赴御橋叩頭發落至今猶然若供役工匠則有輪

班住坐之分具列于後

工役囚人

諸司職掌

凡在京犯法囚徒或免死工役終身或免徒流笞杖罰  
役准折如遇造作去處度量所用多寡若重務者用重  
罪囚徒細務者用笞杖之數臨期奏聞移咨法司差撥  
差人監管督工其當該法司造勘合文冊一本發本部  
收掌一本發內府收貯如遇囚徒工完委官查理工程

無欠行移原問衙門再查犯由明白於內府銷號合疎  
放者發應天府給引寧家合充軍者咨呈都府照地方  
編發若在工有逃竄之數即便差人勾提果有病故等  
項相視明白埋瘞移咨原問衙門銷號如是缺工未完  
移文撥補

則例

每徒一年蓋房一間餘罪三百六十日准徒一年共蓋  
房一間杖罪不拘杖數每三名共蓋房一間

每正工一日

鈔買物料等項八百文為準

雜工三日為準

挑土并磚瓦附近三百擔每擔重六十斤為準

半里二百擔

一里一百擔

二里五十擔

三里三十五擔

四里二十五擔

五里二十擔

六里一十七擔

七里一十五擔

八里一十三擔

九里一十一擔

十里一十擔

打牆每牆高一丈厚三尺闊一尺就本處取土為準

事例

囚犯該撥廠分

真犯竊盜計贓以竊盜論常人盜倉庫錢糧常人盜官  
畜產界幼盜已家財雇工人盜家長財物撥臺基廠八  
里莊黑窩廠修倉其計贓准竊盜監守自盜倉庫錢糧  
盜賊而故買撥馬鞍山灰廠周口灰廠大峪楸棍廠磁  
家務灰廠寅洞山廠西山齋堂炭廠楊村南北廠尹兒  
灣南北廠蔡村掘河獨流廠



洪武十八年孟氏子孫犯罪該工役詔今後聖賢之後  
犯工役者俱免 二十八年詔凡罰役死者免追家屬  
補役 永樂三年奏准凡犯笞杖罪無力准工許詣屯  
所為民種田聽官給牛具種子 詳見刑部

輪班人匠

諸司職掌

凡天下各色人匠編成班次輪流將齊原編勘合為照  
上工以一季為滿完日隨即查原勘合及工程明白就

便放回週而復始如是造作數多輪班之數不敷定奪  
奏聞起取撮工本戶差役定例與免二丁餘丁一體當  
差設若單丁重役及一年一輪者開除一名年老殘疾  
戶無丁者相視揭籍明白疎放其在京各色人匠例應  
一月上工一十日歇二十日若工少人多量加歇役如  
是輪班各匠無工可造聽令自行趨作

計各色人匠一十二萬九千九百七十七名

五年一班

木匠三萬三千九百二十八名 裁縫匠四千六百五十二名

四年一班

鋸匠九千六百七十九名 瓦匠七千五百九十名  
油漆匠五千一百三十七名 竹匠一萬二千七百八名  
五墨匠二千七百五十三名  
粧鑾匠五百七十三名 雕鑾匠五百二名  
鐵匠四千五百四十一名 雙線匠一千

八百九十九名

三年一班

土工匠一千三百七十六名 熟銅匠一千二百四名 穿甲匠二千五十七名 搭材匠一

千一百一十二名 筆匠一百二十名 織匠

一千四十三名 絡絲匠二百四十名 挽花

匠二百九十一名 染匠六百名

二年一班

石匠六千一十七名 艚匠九千三百六十名

船木匠一萬五百六名 箬篷匠四百七十

七名 槽匠三十九名 蘆蓬匠二十二名

餞金匠五十四名 條匠一百四十九名 刊

字匠一百五十名 熟皮匠九百九十二名

扇匠六十六名 魷燈匠七十五名 氈匠二

百九十九名 毯匠一百五十八名 捲胎匠

一百九名 鼓匠一百二名 削藤匠四十八

名 木桶匠九十四名 鞍匠一十三名 銀匠九百一十四名 銷金匠五十九名 索匠二百五十五名 穿珠匠一百四名

一年一班

表襖匠三百一十二名 黑蜜匠二千三百七十三名 鑄匠一千六十名 繡匠一百五十名 蒸籠匠二十三名 箭匠四百二十一名 銀硃匠八十四名 刀匠一十二名 琉璃

匠一千七百一十四名 劉磨匠一千一百二十五名 弩匠一百一十二名 黃丹匠二十名 藤枕匠三十四名 刷印匠五十八名 弓匠一百六十二名 旋匠四十六名 紅窰匠一百九名 洗白匠三十名 羅帛花匠六十九名

事例

洪武二十六年本部奏准各照諸司役作繁簡更定班

次率三年或二年輪當給與勘合凡二十三萬二千八十九名 宣德元年詔凡工匠戶有二丁三丁者留一丁四丁五丁者留二丁六丁以上者留三丁餘皆放回俟後更代單丁量年久近次第放回殘疾老幼及無本等工程者皆放回 五年奏准南京及浙江等處工匠起至北京者俱未有定籍許令附籍大興宛平二縣六年奏准差官查理浙江南直隸蘇松等府州失班工匠惟造軍器及織造者存留若單丁以營造放回者令



當後班其丁多失班一次者赴部補班二次三次以上并從前不當班者送問罰班其廣東江西二布政司令南京工部照例遣官查理又令今後逃匠初來者皆優容一月俟居止定然後供役十年詔民匠先因在逃編充武成三衛軍匠者待山陵畢日仍充民匠今在京居住依例輪班景泰五年奏准輪班工匠二年三年者俱令四年一班重編勘合給付天順元年勅外府輪班人匠照永樂間定制差撥不許內官兼管成

化七年議准各監局軍匠有逃故者行該部查補不許  
徑拘京衛所官杖併逼要出錢雇人買免 二十一年  
奏准輪班工匠有願出銀價者每名每月南匠出銀九  
錢免赴京所司類齎勘合赴部批工北匠出銀六錢到  
部隨即批放不願者仍舊當班 弘治元年奏准添設  
主事清理內外衙門軍民住坐輪班工匠其輪班者做  
工納價等項清查年終類奏其住坐者軍匠行移兵部  
施行民匠轉行清軍御史督併各該衙門具備細脚色

造冊繳部查考其內府監局行逃務要依式開具從實  
貫址及上工處所違者先行法司提問經該吏典及識  
字人役 十三年奏准內府匠作犯該監守常人盜竊  
盜掏摸搶奪者俱問罪送發工部做工炒鐵等項其餘  
有犯徒流罪者拘役住支月糧笞杖准令納鈔 兩京  
工部各色作頭犯該雜犯死罪無力做工與侵盜誑騙  
受財枉法徒罪以上者依律拘役滿日俱革去作頭止  
當本等匠役若累犯不悛情犯重者監候奏請發落杖

罪以下與別項罪犯拘役滿日仍當作頭

明會典卷一百五十四

欽定四庫全書

明會典卷一百五十五

工部九

虞衡清吏司

郎中員外郎主事掌天下虞衡山澤之事而辨其時禁  
採捕

虞衡掌採捕之事野味以供賓祭皮張翎毛以供軍器  
軍裝皆不可缺者至於禁令亦本司所掌今并載之

野味

諸司職掌

凡每歲祭祀及供御并歲時筵宴合用野味預先行移  
各司府州著落所屬於山林去處多辦走獸湖泊去處  
多辦飛禽照依坐定歲辦數目令各處獵戶除春夏孕  
字之時不採外當於秋間採捕其各項活野味依例用  
寬大籠櫃差人沿途如法喂養茁壯到部出給長單一  
樣二本并關給勘合進赴內府光祿寺交收將長單一

本批迴入卷一本就留本司備照如有倒死不堪之數  
驗其解物人在路果無延緩稽遲日期者止是著令賠  
償起解如是故行遲緩者問罪

計各處歲辦一萬四千二百五十隻

湖廣三千隻 本司分派附近府州二千五百隻

坐去寫遠府州五百隻

辰州府八十隻 永州府一百隻 衡州府七

十隻 寶慶府六十隻 襄陽府一百二十隻

郴州三十隻 靖州二十隻 安陸州二十

隻

江西一千隻 本司分派附近府分八百隻坐去  
寫遠府分二百隻

南安府一十五隻 袁州府六十隻 贛州府  
六十隻 吉安府六十五隻

直隸七千五百隻 河南一千二百隻

浙江八百隻 山東七百五十隻



見今歲辦野味一萬四千五百一十四隻

浙江八百隻

江西一千隻

湖廣三千隻

河南一千二百隻

山東七百五十隻

應天府三百隻

直隸蘇州府四百隻

鎮江府三百隻 廬州府

八百隻 寧國府二百隻 揚州府一千五十

三隻 淮安府二千六十一隻 池州府二百

隻 常州府三百隻 安慶府五百隻 松江

府三百隻 太平府三百八隻 徽州府二百

一隻 和州一百隻 廣德州二百九隻 徐

州五百隻 滁州一十二隻

歲進供應野味活鹿二百六十七隻活天鵝三百二十隻

河南二百二十七隻

河南府生鹿五十七隻 汝寧府生鹿七隻

南陽府生鹿七十隻 懷慶府生鹿一十一隻

衛輝府生鹿二十六隻 彰德府生鹿五十

六隻 開封府天鵝六十五隻

直隸廬州府天鵝七十四隻生鹿一十隻 淮安

府天鵝六十八隻生鹿二隻 揚州府天鵝六

十六隻生鹿二隻 鳳陽府天鵝三十一隻生

鹿一十六隻

山東天鵝一十六隻生鹿一十隻

事例

宣德十年奏准江南直隸及布政司所進野味俱送南京光祿寺江北直隸及布政司所進野味俱送北京光祿寺 正統元年奏准各處所進獐鹿鷓鴣等野味依彼中時值易價鈔就被官庫收貯年終開報 成化二十二年奏准大祀該用大樣角鹿二十五隻先期會計行廬鳳二府河南布政司歲辦鹿隻內每三隻准買一隻常數外增三隻備用餘仍歲辦起解 南京工部奏准江南司府州縣歲辦活鹿每一隻收銀一兩七錢天

鵝一隻收銀五錢解南京光祿寺收買供進 弘治元

年南京光祿寺奏准令原產有司府州縣照舊採捕解  
納

皮張

諸司職掌

凡各處每歲差人起解雜色皮張及各該軍衛屯田去  
處倒死頭匹皮貨到部照例開給長單勘合付解人進  
納若熟皮割付丁字庫交收生皮割付皮作局熟造類

進設或成造軍器等項皮張不敷須要預為收買其收貯在庫之數務要時常整點不致腐壞

計各處歲辦雜皮二十一萬二千張

江西二萬張

浙江二萬張

河南一萬五千張

福建一萬張

山東一萬五千張

四川一萬張

廣西一萬張

廣東一萬張

湖廣二萬張

陝西二萬張

北平二萬張

山西二萬張

直隸二萬二千張

見今歲辦雜皮三十四萬七百六十一張

浙江三萬三千張

江西三萬三千張

福建二萬張

湖廣三萬三千張

山東二萬五千張

山西二萬二千張

廣東一萬五千張

廣西一萬五千張

四川一萬五千張

河南二萬五千張

陝西三萬張

順天府五千七百八十張

直隸蘇州府四千張 鎮江府四千張 廬州府

二千張 寧國府四千張 揚州府五千張

淮安府四千張 池州府一千張 常州府二

千張 安慶府一千張 松江府二千張 太

平府四千張 徽州府三千張 和州一千張

廣德州三千張 徐州三千張 真定府三

千七百一十三張 保定府三千七百五十張



河間府二千一百三十六張 永平府一千

三百九十張 順德府七百張 廣平府二千

二百一十四張 大名府三千七十八張

翎毛

諸司職掌

凡造箭合用翎毛或各處歲辦或官為收買如遇差人  
起解到部割付丁字庫交收仍出給長單勘合付解人  
進納

計各處歲辦一千三百五十五萬六千根

江西三百萬根

浙江三百萬根

河南六十萬根

福建五十萬根

山東六十萬根

四川一十萬根

廣西一十萬根

廣東一十萬根

湖廣二百萬根

陝西五十萬根

北平五十萬根

山西五十萬四千根

直隸二百五萬二千根

見今各處歲辦翎毛二千二百七十二萬六千五百五十根

浙江三百九十三萬一千一百四十四根

江西三百九十七萬七千六十六根

福建七十四萬三千九百四十二根

湖廣五百七十七萬九千七十七根

山東六十萬根  
山西五萬四千根

廣東六十九萬九千一百三十九根

廣西二十一萬四千七百二十六根

四川二十四萬四千四十八根

河南六十萬根

陝西五十萬根

順天府六萬八千一百七十八根

應天府一十六萬五千二百七根

直隸蘇州府九十五萬五千一百三十五根 鎮

江府二十三萬一千一百六十四根 廬州府

二十二萬四千五百六根 寧國府一十二萬

八千四百一根

揚州府三十萬一千二百六

根 淮安府五十三萬六千八百四十五根

池州府二十三萬七千二百八十八根 常州

府一十八萬二千九百三十三根 安慶府一

百八萬九千七百七十八根 松江府三十四

萬五千九百六根 太平府七萬根 徽州府

五萬根 和州二十一萬三千八百一十五根

廣德州一萬根 徐州五萬根 滁州六千

根 河間府六萬七千根

事例

洪武二十三年詔浙江等處河泊所翎毛不係上產免徵  
正統十四年奏准浙江等布政司并直隸府州縣  
今後解納歲辦帶毛硝熟麂皮每三分為率一分作退  
毛硝熟鴨翎俱折鵝翎

禁令

諸司職掌

凡歷代帝王忠臣烈士先聖先賢名山嶽鎮神祇凡有德澤於民者皆建廟立祠因時致祭各有禁約設官掌管時常點視不許軍民於內作踐褻瀆其有荒蕪山場蘆蕩去處如遇官府營造取用竹木蘆柴等項須要臨時定奪禁約設若官無所用聽民採取

### 事例

洪武二年令天下神祇不在祀典而嘗有功德於民事蹟昭著者其祠宇禁人毀撤九年遣官祭歷代帝王

陵寢禁樵採設陵戶 宣德十年詔各處山場園林湖  
池坑冶及花果樹木等項原係民業曾經官府採取見  
有人看守及禁約者悉聽採取

明會典卷一百五十五



欽定四庫全書

明會典卷一百五十六

工部十

軍器軍裝

諸司職掌

凡軍器專設軍器局軍裝設針工局鞍轡設鞍轡局掌管時  
常整點若有缺少件數隨即行下本局算計物料委官監督  
定立章程如法造完差人進赴內府該庫收貯如遇軍職衙

門關支仍復計較可否果係應合關人數即便奏聞照依軍  
法定律支給如係舊管征差軍士不應關給者行移駁問馬  
鞍務要查勘本軍先前曾無關過或轉納何處要見明白纔  
方放支不許含糊一槩支給若直隸及各布政司呈稟成造  
亦須定奪具奏行下依式造完明白支撥仍拘收原關舊損  
件數入官修理若各處有司歲造之數起解到部務要辨驗  
堪中行下該庫交收如有不堪者就將原經手人員取問其  
軍裝衣鞋別無定例若有奉旨給賞臨期下庫支給

軍法定律每一百戶

銃手一十名 刀牌手二十名 弓箭手三十名 鎗手四十名

軍器局造

二意角弓 交趾弓 黑漆鈚子箭 有蠟弓

弦 無蠟弓弦 魚肚鎗頭 蘆葉鎗頭 馬

軍鴈翎刀 步軍腰刀 將軍刀 馬軍叉

紅油團牌 水磨鐵帽 水磨頭盔 水磨鎖

子護頂頭盔 紅漆齊腰甲 水磨齊腰鋼甲

水磨柳葉鋼甲 水銀摩娑長身甲 併鎗

馬赤甲

針工局造

長胖襖 袒袖袴

鞍轡局造

鞍 轡 鞭

事例

凡青布鐵甲每副用鐵四十斤八兩造甲每副重二十四斤至二十五斤

銅手銃重五六斤至十斤

軍器鞍轡二局成造

每年一造

鐵盔三千六百頂 甲三千六百副 腰刀三

千六百把 長鎗一千八百條 鐵牌盔二百

四十頂 團牌二百四十面 撒袋一千八百

副 腰刀韉帶三千六百條

三年一造

碗口銅銃三千箇 手把銅銃三千把 銃箭

頭九萬箇 信砲三千箇 檣木馬子三萬箇

檀木槌子三千把 檀木送子三千根 檀

木馬子九萬箇

南京兵仗局前廠季造數

硃紅油貼金勇字鐵盔一百五十頂 硃紅漆

貼金勇字皮盔二百頂 硃紅油貼金勇字牌

手鐵盔五十頂 併鎗馬赤甲四百副 黑漆

二意角弓二百四十張 弓弦六百八十條

明素油撒袋二百四十副 黑漆鞘靶腰刀三

百四十副 黑漆透甲鐵箭射馬鐵箭共一萬

七千五十枝 硃紅布漆攢竹桿馬鎗一百條

硃紅布漆攢竹桿旗鎗一十條 硃紅布漆

鍍水銀獅子頭團牌五十面 斬馬刀五十把

洪武四年以脚踏弩給各邊將士仍令天下軍衛如式製造七年令線穿甲悉易以皮十一年定天下歲造軍器數盔甲等項一萬三千四百六十五件馬步軍刀二萬把十六年令造甲每副領葉三十片身葉三百九分心葉十七肢窩葉二十俱用石灰淹裏軟熟皮穿浙江沿海并廣東衛所用黑漆鐵葉綿索穿成其餘俱造明甲二十年令天下都司衛所各置局軍士不堪征差者習弓箭穿甲等匠免致勞民二十三年以



天下歲造弓箭擾人令工匠輪班赴京成造 二十五  
年令官軍關領軍器將姓名數目造冊收貯仍於各器  
上記官軍姓名損失即令償官 二十六年造柳葉甲  
鎖子頭盔六千副給皇城守衛軍士 永樂元年奏准  
造弓式面闊三指其力自七十斤至四十斤分為四等  
箭造尖銳錐箭造腰刀靶通用斜皮銃砲或專用熟銅  
或生熟銅相兼鑄造 二年奏准各處成造軍器合用  
顏料係軍衛者軍衛自辦係有司者有司支撥不許將

不係土產硃漆等項高貴之物一槩科擾 正統元年  
奏准令旗令牌在外不許輕造間常不許擅用班師之  
後照驗還官 四年令造軍器於兵仗局各取一件為  
式每三月差給事中御史試驗 又令天下各衛所所  
造軍器每月具報惟湖廣銅鼓等衛路遠者歲終一報  
景泰二年奏准通行天下衛所每衛一季成造盔甲  
鎗刀弓各四十件圓牌二十面弦八十條箭一千二百  
枝撒袋四十副銃箭四百枝每千戶所一季成造盔甲

鎗刀弓各十件圓牌五面弦二十條箭三百枝撒袋十副銃箭一百枝永為定例仍令巡按御史同按察司官五年一次吊卷查盤如有成造不如法及侵欺等項情弊就便追問 五年令各處守備官採取雜木製銃箭火藥操演務要密切關防不許漏洩式樣違者重罪

天順八年造戰車製如民間小車但前增三面木板闊二丈二尺高六尺彩畫飛虎獸面上開小窓下三面各留銃眼 成化二年令每步隊造小車六輛輛載九人

軍裝二人推挽放銃七人行則為陣止則為營空處張掛布圍畫作獅頭牌面又於營外每車添設木椿二根絆馬索一條每車用布幕二扇俱用旗鎗張掛小紅纓頭并生鐵鈴鐺 又奏准天下衛所照依原定則例督匠按季成造軍器完日會同原辦物料有司掌印官員查點見數如法試驗堪中仍用油漆調硃於點過軍器背面書寫某衛某所某年某季成造字樣候至五年本部通行各該巡按御史查盤若各該衛所官旗人等仍

前侵欺物料以致缺料成造及不如法者將指揮千百戶各降一等敘用不許管事旗軍人等各發極邊衛分充軍 弘治十一年奏准成造令旗令牌三百面副每旗定用闊絹一幅長四尺闊一尺九寸每鎗連桿長六尺五寸圍圓二寸三分每牌連卧虎蓋長八寸厚七分俱編令字一號起至令字三百號止用火烙印記仍置印信文簿一扇開立前件遇有征進并內外鎮巡等項官員領去各邊應用隨將原領旗牌逐一附寫字號若

有事故等項繳回奏換就於前件項下明白註銷如有損壞或比對原號不同者聽從本部叅提究問 又奏

准於河南鈞磁二州各委官燒磁砲五千箇完日送巡撫官處驗中運送來京轉發該局收貯備用 弘治十

三年奏准成造斬馬大刀完日差人解部山東二千五百把河南二千把浙江四千把福建二千把江西一千五百把南直隸二千五百把 又奏准成造拒馬木一千架竹牌二千面滾刀五千把 又奏准今後各處解

到軍器本部收候類送該庫交收敢有生事刁難需索財物者重罪不饒 又奏准各處軍器局造作長鎗斬馬刀牌甲弓箭不如法者都布按三司堂上委官各府衛掌印官并管局委官叅問降級 各處巡按御史都布按三司分巡分守官查盤軍器若衛所官旗人等侵欺物料那前補後虛數開報及三年不行造冊奏繳者官降一級帶俸差操旗軍人等發邊衛充軍其各該都司并分巡分守官怠慢誤事者叅究治罪

凡火器係內府兵仗局掌管在外不許成造其銅鐵手把銃碗口銃邊關秦討及添造必須鎮守巡撫等官公同會議該用數目明白奏准鑄造給用

火車 火傘 大將軍 二將軍 三將軍

奪門將軍 神鎗 神銃 斬馬銃 手把銅

銃 手把鐵銃 碗口銃 一窩蜂 神機箭

銃箭 襄陽礮 信礮 盞口礮 神礮

大樣神機礮 小樣神機礮 碗口礮 銅礮



大礮 小礮 旋風銅礮 礮裏礮

右軍器

洪武九年令將作司造綿布戰衣用紅紫青黃四色江西等處今後造戰襖表裏異色使將士變更服之以新軍號謂之鴛鴦戰襖 宣德十年定造胖襖則例每件長四尺六寸裝綿花絨二斤袴裝綿花絨半斤鞞鞋各長九寸五分至一尺或一尺二分 成化十五年奏准各處解到胖襖袴鞋俱送東西廣備二庫仍差御史及

本部官各一員眼同官攢人等驗收 十八年令山西大同太原平陽并澤潞等處所屬歲辦皮張折造胖襖袴鞋留貯行都司以備官軍之用甘州河橋巡檢司日稅羊皮及毛成造皮襖分給墩軍延綏寧夏歲造胖襖袴鞋就彼貯庫其歲辦皮張成造皮襖備用 弘治二年奏准給散守墩架礮夜不收人等胖襖每三年一次 十一年奏准山西大同太原照舊徵收胖襖平陽并澤潞等五州胖襖該於本布政司寄庫者照先年例每

件折銀一兩五錢候支盡之日仍徵本色 十五年奏  
准南京各庫收貯胖襖袴鞋每五年一次差官揀選三  
十萬副令南京兵部差馬快船作次運送來京備用  
右軍裝

明會典卷一百五十六

欽定四庫全書

明會典卷一百五十七

工部十一

窑冶

窑冶燒造鑄造諸器物及紙劄之費皆官府取用若銅錢與鈔兼行於民間尤不可缺者今並載之而鑄造則例加詳焉

磚瓦

諸司職掌

凡在京營造合用磚瓦每歲於聚寶山置窑燒造所用蘆柴官為支給其大小厚薄樣制及人工蘆柴數目俱有定例如遇各處支用明白行下各該管官員放支管事作頭每季交替仍將所燒過物件支銷其見在之數明白交割若修砌城垣起蓋倉庫營房所用磚瓦數多須要具奏著落各處人民共造如燒造琉璃磚瓦所用白土例於太平府採取

琉璃窑

每一窰裝二樣板瓦坯二百八十箇計匠七工  
用五尺圍蘆柴四十束

每一窰裝色二百八十箇計匠六工用五尺圍  
蘆柴三十束四分用色三十二斤八兩九錢三  
分二釐

黑窰

每中窰一座裝到大小不等磚瓦二千三百箇  
計匠八十八工用五尺圍蘆柴八十八束

事例

洪武間令各處客船量數帶載沿江燒造官磚於本部  
交納以後停止 永樂三年令照舊例納磚每百料船  
納磚二十五箇沙磚加倍後減定磚二十箇沙磚三十  
箇 宣德二年令沿河一帶燒磚以河南山東二都司  
并直隸衛所撥軍夫五千名仍以添設官十五員分行  
提督 成化十七年添設郎中二員於山東河南及南  
北直隸原有窑處減半燒造 弘治八年奏准停止燒



磚官員請勅河南山東及南北直隸巡撫官委府州縣官管理仍以布按二司分巡分守官提督燒造

陶器

諸司職掌

凡燒造供用器皿等物須要定奪樣制計算人工物料如果數多起取人匠赴京置窯興工設或數少行移饒處等府燒造

事例

歲造內府供用庫每年該用磁罈一千五百箇光祿寺  
每年該用缸罈餅共五萬一千八百五十箇隻俱分派  
河南布政司并直隸真定府燒造河南彰德府每年造  
餅罈缸共一萬七千二百八十四件鈞州每年造餅罈  
缸共一萬七千二百八十三件直隸真定府曲陽縣每  
年造餅罈缸一萬七千二百八十四件俱送光祿寺供  
用 正統元年奏准減省燒造供用庫每歲止派磁罈  
七百五十箇 景泰五年奏准光祿寺餅罈以三分為

率二分以本寺日進月進內府并賞內外官鉶鐔俱令  
盡數送寺備用量派一分以省民力 天順三年奏准  
光祿寺奏造素白磁龍鳳文碗標以十分為率減造四  
分 成化四年奏准光祿寺磁器仍依四分例減造

十七年奏准光祿寺歲用鉶鐔仍照舊例或二年或三  
年一次奏造仍令廚役關領必須委官親詣處所挨次  
支用凡損失就於本廚名下照數追賠還官 弘治十  
五年奏准光祿寺歲用鉶鉶鐔自本年為止已造完者

解用未完量減三分之一仍令本寺該管人員撙節有輕易及毀失者許科道官查究送問賠償

鑄器

諸司職掌

凡鑄造銅鍋銅櫃等器及打造銅鍋銅竈鐵窓鐵猫等件行下寶源局定奪模範及計算合用銅鐵木炭等項明白具數呈部行下丁字庫抽分竹木局放支督工依式鑄造

鑄造

生銅一斤用炭一十二兩

黃熟銅一斤用炭一斤

紅熟銅一斤用炭一斤

生鐵一斤用炭一斤

打造

紅熟銅一斤用炭八斤

黃熟銅一斤用炭八斤

爪鐵一斤用炭一斤八兩

事例

凡鑄親王各土官衙門金牌信符并上直守衛官軍金

牌俱令寶源鑄印二局官金牌信符會同尚寶監於內府金牌廠同造印記會同印綬監於內府六科廊同造造完送銀作局鍍金其鑄鐘用響紅銅於鑄鐘廠鑄造

銅鐵

諸司職掌

凡各處爐冶每歲煽煉銅鐵彼先行移各司歲辦後至洪武十八年四月內欽依住罷至今不曾復設如果缺用卽須奏聞復設爐冶採取生礦煅煉著令有司差人

陸續起解照例送庫收貯如係臨邊用鐵去處就存聽用

計各處爐冶該鐵一千八百四十七萬五千二十六斤

湖廣六百七十五萬二千九百二十七斤

廣東一百八十九萬六千六百四十一斤

北平三十五萬一千二百四十一斤

江西三百二十六萬斤

陝西一萬二千六百六十六斤

山東三百一十五萬二千一百八十七斤

四川四十六萬八千八十九斤

河南七十一萬八千三百三十六斤

浙江五十九萬一千六百八十六斤

山西一百一十四萬六千九百一十七斤

福建一十二萬四千三百三十六斤

見今各處歲辦鐵課

福建布政司共二十八萬四千六百三十斤



浙江布政司七萬四千五百八十三斤

廣東潮州府程鄉縣七萬斤

遵化鐵冶班匠工程燒炭人匠七十一戶該木炭  
一十四萬三千七十斤淘沙人匠六十三戶該鐵  
沙四百四十七石三斗鑄鐵等匠六十戶附近州  
縣人夫六百八十三名每年十月上工至次年四  
月放工每年該運京鐵三十萬斤遵化三衛一所  
一縣十萬斤薊州三衛一州七萬斤三河二衛二

縣六萬斤通州四衛一州七萬斤

事例

洪武初置湖廣鐵冶 七年置江西南昌府進賢治臨  
江府新喻治袁州府分宜治湖廣興國治蘄州黃梅治  
山東濟南府萊蕪治廣東廣州府陽山治陝西鞏昌治  
山西平陽府吉州富國豐國二治太原府大通治潞州  
潤國治澤州益國治每治各大使一員副使一員 十  
八年罷各布政司鐵冶 二十七年復置山西平陽吉

州豐國富國二鐵冶 又復置江西袁州府分宜縣鐵冶 二十八年罷各布政司官冶令民得採煉出賣每歲輸課三十分取二 永樂二十年設四川龍州鐵冶 成化十九年令遵化鐵廠歲運京鐵每車一輛裝鐵不得過一千七百斤車價不得過三兩五錢俱候農隙之時領運交納

鑄錢

諸司職掌

凡在京鼓鑄銅錢行移寶源局委官於內府置局每季  
計算人匠數目其合用銅炭油麻等項物料行下丁字  
庫等衙門放支如遇鑄完收貯奏聞差官類進內府司  
鑰庫交納取批回實收長單附卷若在外各布政司一  
體鼓鑄本部類行各司行下寶源局委官監督人匠照  
依在京則例鑄完錢數就於彼處官軍收貯聽候支用  
則例

當十錢一千箇燠模用油一十一兩三錢鑄錢連火耗

用生銅六十六斤六兩五錢炭五十三斤一十五兩二錢  
當五錢二千箇燠模用油一斤四兩鑄錢連火耗用生  
銅六十六斤六兩五錢炭五十三斤一十五兩二錢  
當三錢三千三百三十二箇燠模用油一斤一十四兩  
鑄錢連火耗用生銅六十五斤九兩二錢五分炭五十  
三斤八兩三錢五分

折二錢五千箇燠模用油二斤五兩五錢鑄錢連火耗  
用生銅六十六斤六兩五錢炭五十三斤一十五兩二錢

小錢一萬箇燠模用油一斤四兩鑄錢連火耗用生銅六十六斤六兩五錢炭五十三斤一十五兩二錢

穿錢麻

當十錢每串五百箇用一兩 當五錢每串五百箇用八錢 當三錢每串一千箇用一兩 折二錢每串一千箇用七錢 小錢每串一千箇用五錢

銅一斤鑄錢不等 外增火耗一兩

當十錢一十六箇折小錢一百六十文 當五  
錢三十二箇折小錢一百六十文 當三錢五  
十四箇折小錢一百六十文 折二錢八十箇  
折小錢一百六十文 小錢一百六十文

鑄匠每一名一日鑄

當十錢一百二十六箇 當五錢一百六十二  
箇 當三錢二百三十四箇 折二錢三百二  
十四箇 小錢六百三十箇

銼匠每各一日銼

當十錢二百五十二箇 當五錢三百二十四

箇 當三錢四百六十八箇 折二錢六百四

十八箇 小錢一千二百六十箇

各處爐座錢數

山東二十二座半每歲鑄錢一千二百一十二

萬一千文 山西四十座每歲鑄錢二千三百

三十二萬八千文 河南二十二座半每歲鑄



錢一千三百一十二萬二千文 浙江二十座  
每歲鑄錢一千一百六十六萬四千文 江西  
一百一十五座每歲鑄錢六千七百六萬八千  
文 北平二十一座每歲鑄錢一千二百八十  
三萬四百文 廣西一十五座半每歲鑄錢九  
百三萬九千六百文 陝西三十九座半每歲  
鑄錢二千三百三萬六千四百文 廣東一十  
九座半每歲鑄錢一千一百三十七萬二千四

百文 四川一十座每歲鑄錢五百八十三萬  
二千文

事例

洪武四年令鑄洪武通寶錢 二十年令各布政司停  
止鑄錢 二十二年復鑄錢與鈔兼用更定錢樣分兩  
永樂六年令鑄永樂通寶錢 宣德八年令鑄宣德  
通寶錢

顏料

諸司職掌

凡合用顏料專設顏料局掌管淘洗青綠將見在甲字庫石礪按月計料支出淘洗分作等第進納若燒造銀硃用水銀黃丹用黑鉛俱一體按月支料燒煉完備逐月差匠進赴甲字庫收貯如果各色物料缺少定奪奏聞行移出產去處採取或給價收買鈔法紫粉所用數多止用蛤粉蘇木染造時常預為行下本局多為備辦用度如缺蛤粉一體收買

卷一百五十七  
黑鉛一斤燒造黃丹一斤五錢三分三釐

水銀一斤燒造銀硃一十四兩八分二硃三兩五錢二分  
次青礞石礪一斤淘造淨青礞一十一兩四錢三分

暗色礞石礪一斤淘造淨石礞一十兩八錢七分六釐  
蛤粉一斤燒造紫粉一斤一兩六錢

硃砂一斤燒造硃砂礞一十五兩五錢

### 事例

洪武間聖旨如今營造合用顏料但是出產去處便著

有司借倩人夫採取來用若不係出產去處著百姓怎  
麼辦那當該官吏又不明白具奏只指著朝廷名色以  
一科百以十科千百般苦害百姓似這等無理害民官  
吏拏來都全家廢了不饒若那地面本出產却奏說無  
以後著人採取得有時那官吏也不饒雖是出產去處  
也須量著人的氣力採辦似這等百姓也不艱難生受  
官民兩便若有司家因而生事擾害他的拏來全家廢  
了不饒 永樂二十二年聖旨古者工賦隨地所產不

強其所無比年如丹漆石青之類所司更不究產物之地一槩下郡縣徵之郡縣逼迫小民鳩斂金幣詣京師博易輸納而商販之徒乘時射利物價騰踴數十倍加不肖官吏夤緣為奸計民所費朝廷得其千百之十一其餘悉肥下人今宜切戒此弊凡合用之物必於出產之地計直市之若仍蹈故習一槩科派以毒民者必誅不宥 成化二年令內官監促辦累年未納物料急用者以官銀收買不急者停止

紙劄

諸司職掌

凡每歲印造茶鹽引由契本鹽糧勘合等項合用紙劄  
著令有司抄解其合用之數如庫缺少定奪奏聞行移  
各司府州照依上年紙數抄造解納如遇起解到部隨  
即辨驗堪中如法差人進赴乙字庫收貯聽用

產紙地方分派造解額數

陝西十五萬張 湖廣十七萬張 山西十萬

張 山東五萬五千張 福建四萬張 北平

十萬張 浙江二十五萬張 江西二十萬張

河南五萬五千張 直隸三十八萬張

事例

宣德七年令各處進到紙劄不依原式及水濕不堪者  
本部行移本處抄來補數 九年福建進到紙劄不合  
原式及粗薄不堪其提調官令本部行按察司取招

石灰



諸司職掌

凡在京營造合用石灰每歲於石灰山置窯燒煉所用  
人工窯柴數目俱有定例如遇各處支用明白行下各  
該管人員放支其管事作頭每季交替仍將所燒過物  
料支銷見在之數明白交割

每窯一座該正附石灰一萬六千斤合燒五尺圍蘆柴  
一百七十八束計七十五工

事例

馬鞍山齋堂等處各置灰廠俱以武功三衛軍夫採燒  
搬運赴京凡修理內外等項應用天順間奏准差指揮  
千百戶等官分管提督五年一替

明會典卷一百五十七